



Broj: 07-11-1238/20
Vogošća, 20.08.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 20.08.2020. godine donio je

ODLUKU

O IZBORU NAJPOVOLJNIJEG PONUĐAČA ZA PRUŽANJE USLUGE IZRADE IZVEDBENOG PROJEKTA VIŠENAMJENSKOG OBJEKTA (PODZEMNA GARAŽA, SPORTSKI SADRŽAJI I SKLONIŠTE) NA LOKALITETU POMOĆNOG TERENA STADIONA "HAKIJA MRŠO" U VOGOŠĆI

Član 1.

Ponuda ponuđača "Ipsa institut" d.o.o. Sarajevo, ulica Put života bb. Sarajevo, odabrana je za pružanje usluge izrade Izvedbenog projekta višenamjenskog objekta (podzemna garaža, sportski sadržaji i sklonište) na lokalitetu pomoćnog terena stadiona "Hakija Mršo" u Vogošći, kao prvoplasirana na Rang listi, sa ponuđenom najnižom cijenom tehnički zadovoljavajuće ponude u ukupnom iznosu od 108.750,00 KM bez uračunatog PDV-a i sa ponuđenim popustom, odnosno 127.237,50 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 30.07.2020. godine donio Odluku o pokretanju Otvorenog postupka nabavke usluge izrade Izvedbenog projekta višenamjenskog objekta (podzemna garaža, sportski sadržaji i sklonište) na lokalitetu pomoćnog terena stadiona "Hakija Mršo" u Vogošći, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 30.07.2020. godine pod brojem: 1353-1-2-134-3-115/20.

Sažetak Obavještenja o nabavci objavljen je u "Službenom glasniku BiH" broj: 48/20 od 07.08.2020. godine.

Tendersku dokumentaciju sa Portala javnih nabavki BiH je preuzelo 29 (dvadeset i devet) ponuđača.

Krajnji rok za dostavu ponuda bio je 19.08.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 19.08.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1238/20 iz jula 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ipsa institut" d.o.o.Sarajevo	125.000,00	13%	108.750,00	127.237,50
2	"Routing" d.o.o. Banja Luka	127.800,00	/	/	149.526,00
3	"Urbis centar" d.o.o. Banja Luka	124.900,00	/	/	146.133,00
4	"Radis" d.o.o. Istočno Sarajevo	116.500,00	/	/	136.305,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Radis" d.o.o. Istočno Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod a) TD a u skladu sa članom 50. Zakona zahtjevano je da je ponuđač u posljednje 3 (tri) godine računajući od dana podnošenja ponude kao pružalac usluga uspješno realizovao minimalno 2 (dva) ugovora koji se odnose na iste ili slične usluge predmeta nabavke (projektovanje građevinskih konstrukcija u visokogradnji sa podzemnim etažama, projektovanje objekata podzemnih garaža i sl.) u ukupnom iznosu od 80.000,00 KM bez uračunatog PDV-a, uz napomenu da se ne može sabirati više ugovora manje vrijednosti već ponuđač mora imati isključivo minimalno 2 (dva) realizovana ugovora u vrijednosti minimalno po 40.000,00 KM bez uračunatog PDV-a.

Tačkom 7.4.2. pod a) TD je traženo da ponuđač u svrhu dokazivanja ispunjavanja uslova iz tačke 7.4.1. pod a) TD treba dostaviti spisak izvršenih ugovora u ukupnom iznosu od 80.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od strane krajnjeg korisnika u skladu sa članom 48. stav 2. Zakona. Ukoliko se potvrde o izvršenim uslugama ne mogu obezbijediti iz objektivnih razloga, ponuđač će dostaviti izjavu o uredno izvršenim poslovima uz predočenje dokaza o učinjenim pokušajima da se takve potvrde osiguraju. Napomenom II je propisano da Potvrda o pruženim uslugama koju izdaje naručilac obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Ponuđač "Radis" d.o.o. Istočno Sarajevo je u svojoj Ponudi (strana 24.-25. Ponude) dostavio Potvrdu broj: 1104/2020 od 18.08.2020. godine izdatu od strane "Predo gradnja" d.o.o. Teslić kao i Potvrdu od 17.08.2020. godine izdatu od strane "MP invest grupa" d.o.o. Teslić.

Komisija za javne nabavke smatra kako dostavljene Potvrde ne zadovoljavaju uslove propisane članom 48. stav 3. Zakona o javnim nabavkama BiH, a isti su jasno i nedvosmisleno zahtjevani Napomenom II iz tačke 7.4.2. pod a) TD (u dostavljenim Potvrdama nedostaju navodi o vremenu izvršenja ugovora).

Prethodni nedostaci vezani za Potvrde o uredno izvršenim ugovorima u postupcima javnih nabavki su bili predmetom rješavanja Ureda za razmatranje žalbi BiH kroz Rješenje broj: JN2-01-07-1-765-10/17 od 08.02.2018. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Ipsa institut" d.o.o. Sarajevo,
- "Routing" d.o.o. Banja Luka i
- "Urbis centar" d.o.o. Banja Luka

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH/Potvrde nadležnih entitetskih komora, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za preferencijalni faktor od 30% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade Izvedbenog projekta višenamjenskog objekta (podzemna garaža, sportski sadržaji i sklonište) na lokalitetu pomoćnog terena stadiona "Hakija Mršo" u Vogošći kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ipsa institut" d.o.o.Sarajevo	125.000,00	13%	108.750,00	127.237,50
2	"Urbis centar" d.o.o. Banja Luka	124.900,00	/	/	146.133,00
3	"Routing" d.o.o. Banja Luka	127.800,00	/	/	149.526,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ipsa institut" d.o.o. Sarajevo, za pružanje usluge izrade Izvedbenog projekta višenamjenskog objekta (podzemna garaža, sportski sadržaji i sklonište) na lokalitetu pomoćnog terena stadiona "Hakija Mršo" u Vogošći, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u ukupnom iznosu od 108.750,00 KM bez uračunatog PDV-a i sa ponuđenim popustom, odnosno 127.237,50 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Ipsa institut" d.o.o. Sarajevo
2. "Routing" d.o.o. Banja Luka
3. "Urbis centar" d.o.o. Banja Luka
4. "Radis" d.o.o. Istočno Sarajevo
5. Nadležnoj Službi
6. U dosije
7. a/a

033/276-355

051/491-160

051/223-962

057/343-136



OPĆINSKI NAČELNIK

Edin Smajić
Edin Smajić